


歷代 日記叢鈔



學苑出版社

歷代日記叢鈔

第一三一冊



日記一

光緒十六年庚寅葆真年十七

正月吾叔父於月之六日至上杭縣八日接印視事有電報到故城祖父使人來告

四月一日陳先生講論語至鄉黨 余之讀書初讀詩經次尚書次禮記之大學中庸二篇次論語次孟子又讀禮記至于月令而止

七月讀文王世子 吾弟讀經已五經易書詩爾雅孝經又禮記未畢

十二月吾弟讀禮玉藻 陳先生講畢論語即講大學

五月十二日大學講畢

十三日講朱子大學序

十四日講朱子中庸序

十五日講中庸

十六日吾兄回故城

十八日吾弟讀畢大傳喪服小記未讀

二十二日讀禮運

六月十二日弟讀畢少儀

十三日讀禮器

十七日先生講中庸終

吾弟讀五言近體詩鈔初弟讀唐人詩

共三百二十二首既而吾父屬陳先生鈔姚姬傳所選今體五言唐詩命弟讀之吾弟素不喜詩殊不欲讀也

十八日先生講詩經大雅生民之什初陳先生講詩經大雅未畢舍而講論語大學中庸故今講詩經自生民篇始也

三十日禮器讀畢

七月三日吾弟讀禮學記畢

十七日吾弟讀樂記

二十九日讀郊特牲

八月九日始讀試帖詩

九月一日吾弟讀樂記畢

二十八日弟讀祭法雜記喪大記未讀

十月四日讀左傳

八日吾弟讀祭義

十二月吾弟讀祭統既而患病

日記二

光緒十七年辛卯葆真年十八

正月二十六日吾父至自故城縣

二月四日先生回家

十五日吾父臨南豐集評點終初吾父倣臨吳先生評點曾文定

南豐集於所藏舊本吾家南豐集凡兩部其一則通行本也

十八日吾父始鈔儀禮大射儀為首

三月二十六日風

四月七日先生至自獻縣先生獻縣陳家墳人也 吾弟讀論語

十四日吾父適故城

二十八日讀左傳莊公至二十三年

二十九日吾父至自故城吾父之鈔儀禮也三月三日大射儀終次日鈔聘禮十九日終次鈔喪服四月五日終鈔士喪禮未終而得目疾得目疾即赴故城之日故至故後即不復鈔也

五月五日小雨雷疾風甚雨從之

十八日吾父入都

六月四日讀左氏傳至僖公

八月三十日吾弟讀論語畢

九月十三日震電東郊雨

十五日吾弟讀孟子

十月二十一日吾父至自家吾父之入都也過保定留二十餘日
到都住百日適天津由津旋里

十一月五日吾父倣臨劉海峯評點左傳吾父之鈔儀禮也先以
朱綠兩色筆評點將鈔之篇病目後亦然今評左傳乃置儀禮
六日陳先生辭館席而去先生名濟生字雨民

十一日吾父至自故城

十三日吾兄回故城

十四日胡子振先生來權館先生名庭麟字子振冀州人

二十日購湖北局竹連紙五經四書

十二月四日吾父臨左傳評點終初臨劉海峯評點又臨姚姬傳

評點皆于新帶來無注本春秋左傳是日又評點儀禮

十五日胡先生回家

十六日吾父已止評儀禮乃臨姚姬傳吳擘甫兩先生評點詩經

十九日吾父為葆真講周子太極圖說吾父臨詩經評點終

二十五日吾父如故城 讀太極圖說

日記三

光緒十八年壬辰葆真年十九

正月元日鈔爾雅釋文此前為吾弟所鈔大字無題目之爾雅也
七日吾兄至自故城

十六日胡先生入學葆真及吾弟竝受業焉

十七日從先生出游吾兄弟三人偕行

十八日讀左氏傳僖之廿九年

二十二日讀畢僖公 始讀制藝文 吾兄看資治通鑑至唐紀

肅宗

二十六日吾父至自故城

二十七日吾兄回故城

二月一日看資治通鑑

二日今日為書院官課之期書院章程吳先生在冀時所刊印遵守無改惟對於官齋兩課之獎賞因官課獎重而官率以例行公事視之不足以資鼓勵也乃請於吳先生為變通之其新章如左官齋兩課連日併考以省各生往反之勞官課每月初二日齋課每月初三日永作定期考課舉貢生監同列一榜官齋兩課獎賞亦定為一律官課定額取超等十名特等十名童生上取十名中取十名齋課定額超等十二名特等十二名童生上取十二名中取十二名凡超等第一名十二名第二名十一

千第三名十千第四名九千第五六名各八千第七八名各七
千第九十名各六千齋課多二名第十一二名各五千五百特
等前五名各五千後五名各四千五百齋課十一二名各四千
上取第一名五千第二名四千第三四五名各三千五百六七
八名各三千九十名各二千五百齋課十一二名各二千中取
前五名各一千五百後五名各一千齋課十一二名各一千每
月古課上課領題下課交卷獎賞以京錢五十千為度臨課酌
定不立定額 是月初立字課吾父手訂章程云兩書院肄業
者十日寫白摺一本逢一交卷至期不交卷罰錢四百遲交亦
罰告假者雖不能如期交卷月內須補足三本補不足亦罰如

實有事故不能寫字須先報明註冊每月作試帖四首用白摺
寫詩竝重不作者罰京錢八百其佳者酌給紙筆寫字須用乾
筆濃墨不得以水筆墨水了事兩書院者竝翹材書院言之也
三日祖母至自故城將如束鹿之小陳村視長姑疾吾父勸祖母
勿往遂不果行 今日齋課是課生卷四十三本童卷七十五
本古卷十四本

四日吾父適束鹿小陳

五日長姑已於朔日丑時逝世吾父弔喪而歸

六日祖母回故城

九日讀史記蘇秦傳

十二日吾父臨三家圈點孟子三家者吳先生劉海峯其一人未詳此本吾昔日假之劉平西者平西即未能詳也

十三日吾父為書院諸君說史記魏其武安侯傳

十五日往歲陳先生講尚書至無逸今胡先生故亦於無逸篇始十八日吾父為諸君說史記李將軍驃騎兩傳

二十三日吾父為諸君講韓退之張中丞傳後敘歐陽永叔釋秘

儼詩集序

二十八日吾父為諸君說左氏傳邲之戰是月始讀小題正鵠

三月三日是課古卷十八本生卷五十八本童卷若干

五日始寫白摺

八日吾父為諸君說王介甫給事中孔公墓誌銘主簿許君墓誌銘

九日吾兄至自故城吾姑將于十八日安葬祖父命吾兄如東鹿

小陳會葬過此

十二日吾父入都

十六日看通鑑周紀終

十七日吾兄如小陳

十九日吾兄來冀

二十日看通鑑秦紀

二十三日吾兄看通鑑至後梁

二十五日吾兄回故城余因請在故城臨孟子評點假黃椿圃所
臨本帶去

二十七日雨

四月二日檢京報中所載平朝陽之役者

三日是月古課題 書漢書敘傳後 讀新五代史死節傳 周

亞夫論

擬鬼谷子責蘇秦張儀書

續古文苑有其書文不具更擬之亦可自出新意不

必依原文

跋阮孝緒七錄

清明詩序

清明偕同門諸子出遊各以詩書懷因為之序

送友人應合肥相國聘序

桃源圖

張耳墓

瓶花

四日先生屬將上海時報中之京報取出訂為一編以便流覽

七日朝陽之變京報所載羣臣奏報及諭旨甚夥今賊既平事之